


Rabu, Februari 17, 2016

MENGENAI KAMI PENYELIDIKAN AKADEMIK JARINGAN ANTARABANGSA KEHIDUPAN KAMPUS PERKHIDMATAN

| A- | A | A+ | EN | RU | AR

BERITA »**Prof. Datin Paduka Dr. Aini Ideris dilantik sebagai Presiden ASAHL****Oleh: Azman Zakaria**

Bangkok, 10 Feb: Naib Canselor Universiti Putra Malaysia (UPM), Profesor Datin Paduka Dr. Aini Ideris dilantik sebagai Presiden Persatuan Institusi Pengajian Tinggi Asia Tenggara (ASAHL), bermula pada 1 Januari 2016.

Setiausaha agung ASAHL, Dr. Ninnat Olanvoravuth berkata Profesor Datin Paduka Dr. Aini akan memegang jawatan presiden ASAHL sehingga Persidangan Agung ASAHL dan pemilihan barisan kepemimpinan baharu yang akan diadakan di UPM, Disember tahun ini.

"Bagi pihak ASAHL yang dianggotai 200 institusi, kami merakamkan setinggi tahniah kepada Profesor Datin Paduka Dr. Aini dan staf serta pelajar UPM atas pelantikan beliau sebagai Naib Canselor UPM yang baharu," katanya dalam surat ucapan tahniah beliau.

"Kami menyanjung rekod panjang kejayaan UPM sebagai satu daripada universiti terbaik di Malaysia, dan sebagai antara yang terbaik di ASEAN, Asia dan Pasifik serta dunia," kata Dr Ninnat. Katanya, ini adalah tanda kejayaan kesinambungan yang kukuh untuk berbakti kepada negara dan rakyat dalam dunia profesionalisme yang semakin berkembang."

"Kami yakin UPM akan terus berjaya di bawah kepemimpinan Profesor Datin Paduka Dr. Aini dan kami mendoakan kejayaan berterusan dalam mengekalkan standard kecemerlangan akademik yang tinggi untuk tahun-tahun yang akan datang," katanya.

Prof. Datin Paduka Dr. Aini Ideris dilantik sebagai Naib Canselor UPM pada 1 Januari, 2016. Beliau menggantikan Prof. Dato' Dr. Mohd Fauzi Ramli yang tamat tempoh perkhidmatan sebagai Naib Canselor UPM pada 31 Disember 2015. -UPM